

PA: Kumitê skular di Boston
DI: Daniel Rosengard, Direktor izekutivu di transportasi
David Bloom, Direktor finanseru
CC: Mary Skipper, Superintendenti
Jeremiah Hasson, Direktor, OLR
RE: Pididu di dotason suplementar y deklarason di akordu pa CBA di motoristas di autokaru
DATA: 4 di Dizenbru di 2024

Na sês papel di atual furnesedor di autokarus skular pa skolas publikus di Boston, Transdev ta da trabadju pa muturistas di autokarus skular ki ê menbrus di sindikatu USW Local 8751. Di akordu ku kontratu entri skolas publikus di Boston, y Transdev, Transdev ê rienvolsadu pa tudu saláriu di funsiônarius sindikalizadu y kustus di binifisius a mas konformi aprovalu pa sidadi, y inpostus riba saláriu.

Transdev y sindikatu di autokaru skular, USW Local 8751, es txiga a poku tenpu a un akordu sobri un akordu kuletivu di trabadju susesor. Ikipas di negusiason di partis txiga a un akordu provizóriu 2 di nuvenbru, 2024, MOA fazedu dia 13 di nuvenbru, 2024, y sindikatu aprova akorda ne 15 di nuvenbru di 2024.

Aneksadu, pa análizi di kumitê skular, sta memorandu di akordu entri Transdev y sindikatu di kondutoris di autokaru skular ti 30 di junhu di 2028.

En sigida, ta apresentadu distakis di akordu resenti, sê inpaktu finanseru y asons pididu a kumitê skular.

Distakis di CBA

Durason: Akordu di 4 anu ta kumesa 1 di julhu di 2024 ti 30 di junhu di 2028

Saláriu: Ajustis di merkada pa taxa di relatóriu regular

- Ifetivu 1 di julhu 2024: \$33.00 pur ora (aumentu di \$3.87 pur ora - retruativu)
- Ifetivu 1 di julhu 2025: \$34.00 pur ora (aumentu di \$1 pur ora)
- Ifetivu 1 di julhu 2026: \$35.00 pur ora (aumentu di \$1 pur ora)
- Ifetivu 1 di julhu 2027: \$35.38 pur ora (aumentu di \$0.38 pur ora)

Reforma:

- Rikizitu di kualifikason di anus di servisu pa reforma diminuidu di 30 pa 25 anu.
- Konpensason pa reforma aumenta di akordu ku keli:
 - Ifetivu 1 di julhu 2024: Ta subi pa \$1.200 pa kada anu di servisu (retruativu)
 - Ifetivu 1 di julhu 2025: Ta subi pa \$1.300 pa kada anu di servisu
 - Ifetivu 1 di julhu 2026: Ta subi pa \$1.4 pa kada anu di servisu
 - Ifetivu 1 di julhu 2027: Ta subi pa \$1.500 pa kada anu di servisu



Óras minimus garantidu:

- Aumentu di númeru mínimu di oras semanal garantidu di 31 pa 35 ora, ku ifeitus apartir di 1 di julhu di 2025, konformi adoson pa partis di un linguajen sobri "trabadju konformi indikasons" ku pruteson di trabadju
- *Nota: Trabadja djuntu ku dispuzisons ki ta izisti na akordu kuletivu di trabadju di muturistas, ta prevedu ma aditamentu di spreson "trabadja di akordu ku instrusons" midjora kapasidadi di BPS y di Transdev pa kubri atividadis di disportu, vizitas di studu y otus atividadis di transporti na kazu ki ka podi ser kubertu através di prusesus izistentis di oferta y atribuison di muturistas*

Pididu di dotason konplimentar

Pa anu fiskal 2025, nu ta pidi kumitê skular pa pidi un dotason konplimentar pa anu fiskal di 2025 pa konselhu munisipal di Boston na valor di \$6.637.486 pa apoia kustu di kontratu, konformi diskrevedu li di baxu.

Pa anu fiskal 2026, 2027 y 2028, kustus indikadus li di baxu ta ben ser pididu na anbitu di prusesu orsamental y ta ben ser inkluidu na orsamentu aprezentadu pa kumitê skular.

	FY2025	FY2026	FY2027	FY2028	Kustu total duranti 4 anu di durason di kontratu	FY2028 Anualizadu
Total	\$6 637 486	\$8 343 120	\$10 048 755	\$10 749 717	\$35 779 079	\$10 749 717
Pididu suplemental:	\$6 637 486					
				Kustu total durante 4 anu di durason di kontratu:	\$35 779 079	

Pididu di aprovason di deklarason di akordu

Aneksadu pa análizi di kumitê skular, sta dos prujetus di deklarason di akordu entri departamentu skular, prizidenti di kamara y sidadi di Boston y USW Local 8751.

Distaki di kês akordu li ê kes li:

- Deklarason di akordu A
 - COB/BPS ta konkorda ma, na un senáriu ki BPS ta kontrata furnesedoris di transporti diferenti na autokaru skular, dokumentus di konkursu spesifika ma atual sindikatu ta



ben kontinua ta ser inpregadu pa kualker novu furnesedor a abrigo di mezmu akordu kuletivu di trabadju.

- Sindikatu ta konkorda na ka fazi grevis, paralizasons ô abrandamentu ti 30 di junhu di 2029, un anu dipos di spirason di CBA
- Deklarason di akordu B
 - COB/BPS ta konkorda ma, na un senáriu ki sidadi ô kumitê skular da servisus di autokarus skular ku sê proprius funksionárius, en bes di das através di un furnesedor, COB/BPS ta binha ser obligadu a da trabadju atual sindikatu a abrigo di mezmu akordu di inpreza
 - Sindikatu ta konkorda na ka fazi grevis, paralizasons ô abrandamentu ti 30 di junhu di 2029, un anu dipos di spirason di CBA

Kês akordu li ta ben kumesa apartir di data di izekuson ti 30 di junhu di 2029, ô seja, un anu dipos di termu di akordu kuletivu di trabadju entri Transdev y USW Local 8751.

Nu sa pidi kumitê skular pa vota a favor di kês deklarason di akordu li.

